

Ohppiide ja ovddasteddjiide

Áigi boahkuvvot bárkodávdda, daskovigi ja ruksesboahkuid vuostá (MMR-boahkuheapmi)

Našunála mánáidboahkuhanprográmmas fálljuvvojit oahppit 6. luohkás (11–12 jagi) ođasmahttindosa boahkuheamis mii lea virusdávddaid bárkodávdda, daskovigi ja ruksesboahkuid vuostá (MMR-boahkuheapmi). Vuosttaš dosa addo dábálemosit go máná lea 15 mánu. Bisuhan dihte buori suodjaleami fálo dál ođasmahttindosa.

Dávddaid birra

Bárkodávdda lea dat duođaleamos ja eanemus njoammu mánáiddávda. Go buohccá dávddain de leat vuos nuorvodávdamearkkat ja alla feber, dasto ihtaluvvá. Bárkodávddain šaddet dávjá váttisvuođat nu mo geahpesvuođi, bronkihtta ja gaskabealljevuođi. Duođalaš váikkuhusat nu mo vuoiŋašvuođi (encefalitt), bistevaš vuoiŋašvihki ja jápmin dáhpáhuvvá maiddá sin gaskkas geat eai leat boahkuvvon min osiin máilmmis.

Daskovihki addá febera ja ahte nierračolgaráksá bohtana. Dábáleamos váddu lea daskovihkevuoŋašcuzzavuođi (meningitt), mii dábálemosit nohká bistevaš vigiid haga. Duođaleabbo váddu lea ahte sáhtá šaddat bealjeheapmin agibeavái. Jus gánnat oččohallet daskovihká maŋŋá rávásmangi, sáhtá virus fallehit vuolleáimmuid ja dagahit ahte šattolašvuohta hedjona.

Ruksesboahkut lea láivves dávda mainna šaddá feber ja ihtaluvvá. Jus áhpehis nisu geas ii leat immunitahta dávdi oččohallá ruksesboahkuide sáhtá dávda vahagahttit ogi duođalaččat. Riska ahte šaddet liittut lea badjel 80 % jus buohccá dávddain vuosttaš áiggi áhpehisdilis. Go boahkuha mánáid de hehte njoammudit áhpehis nissoniid.

Boahkuheami birra

Boahkuheapmi mii geavahuvvo lea Priorix, ja das lea ealli, goariduvvon virus. Dáhpáhuvvá ahte boahkobáiki bávččaga, ruvsoda ja bohtana muhtin áiggi maŋŋá boahkuheami. Ovttá gitta guokte vahkku maŋŋá boahkuheami sáhttet muhtin mánat oazžut geahppa dávdamearkkaid daid dávddain maid vuostá boahkuheapmi suodjala, muhto lea eahpedábálaš ahte dát dáhpáhuvvá singuin geat leat ovdal jo ožžon ovttá dosa. Feber ja ihtaluvvan lea dábáleamos. Gávnat eanet dieđuid Priorix sisdoalu ja vejolaš liigeváikkuhusaid birra Stáhta dálkkasdoaimmahaga neahttasiidduin www.legemiddelsok.no (Girjedárogillii)

Muitte addit dieđuid dearvvašvuođabuohccidivššárii

Atte dieđu jus mánás lea immunaváili dahje geavaha dálkasiid mat váikkuhit immunasuodjalussii. Muital maiddá jus mánás leat allergijjat dahje jus sus ovdal lea leamaš allergijalaš reakšuvdna dálkasiidda dahje boahkuide. Jus máná oazžu allergijaboahkuheami (hyposensibiliserema) dahje lea ožžon eará lágan boahkuid maŋimuš 4 vahkku, atte dieđu dearvvašvuođabuohccidivššárii. Eanet dieđut leat gávdnamis neahttasiiddu: <https://www.fhi.no/om-bvp>

Boahkuheapmi lea plánejuvvon: Dáhton: _____ Dii: _____ Báiki: _____

Dearvvašvuođabuohccidivššár: _____ Telefodnanummir: _____

Gaikko dáikko:

Oahppi namma: _____ Riegádandáhton: _____ Luohkká: _____

JMun/moai háliidetne ahte mu/munno máná:

galgá boahkuvvot bárkodávdda, daskovigi ja ruksesboahkuid vuostá

ii galgga boahkuvvot bárkodávdda, daskovigi ja ruksesboahkuid vuostá

Ovddasteaddji geas lea váhnenovddasvástáduš: Eadni Áhčči Eará olmmoš

Ovddasteaddji olles namma (čále čielgasit): _____

Ovddasteaddji vuolláičála: _____ Telefodnanummir: _____

Áššáigullevaš dearvvašvuođadieđut máná birra: